

按戊己校尉，百官公卿表不言秩祿；但其掾屬有丞、司馬、候，均比六百石，則戊己校尉必高一級。又平帝時，都護時由戊己校尉領之，則其秩祿當同於副校尉。百官表：『副校尉秩比二千石』，可知戊己校尉秩亦當爲比二千石也。又司馬彪百官志云：『大將軍營五部，部校尉一人，比二千石』故知都護之左右部校尉，亦當爲比二千石也。又據百官公卿表，都護及戊己校尉下，均無從事。司馬彪百官志本注曰：『從事中郎二人，六百石。』是與司馬、候、丞之秩祿同。屯長、令史秩祿，百官志作二百石，今從之。

簡一〇 長五四糲寬一一糲厚三糲

伊循都尉左 缺

簡一一 長五九糲寬八糲厚二糲

伊循卒史黃廣宗 一二〇 缺

以上二簡，均出羅布淖爾古烽燧亭中。按第一〇簡「伊循都尉」，爲西域官名，見漢書西域傳。傳云：『漢立尉屠耆爲王，王自請於天子曰：「國中有伊循城，其地肥美，願漢遣二將屯田積穀，令臣得依其威重。」於是漢遣司馬一人，吏士四十人，田伊循以鎮撫之。其後更置都尉，伊循官置始此矣。』按據漢書百官公卿表：『郡尉秦官，掌佐守典武職甲卒，秩比二千石，有丞，秩皆六百石。景帝中二年，更名都尉。』武帝時又置屬國都尉，如宜禾都尉，敦煌中部都尉，居延都尉皆是也。此應鄯善王之請，故設伊循都尉以鎮撫之。都尉秩尊於司馬，司馬六百石，而都尉則比二千石也。第一一簡：「伊循卒史」，史與吏通，一作卒吏，爲都尉掾史。司馬彪百官志云：『屬國都尉，稍有分縣治民比郡，皆置諸曹掾史』是也。又黃霸傳：『霸補左馮翊二百石卒史。』儒林傳：『元帝好儒，郡國置五經百石卒史。』蓋秩有不同，故舉石之多寡以別之也。「黃廣宗」當爲人名。伊循都尉雖爲屬國，其制當與郡守同也。次述伊循城之地位。水經注云：『且末河東北流，逕且末北，又流而左會南河，會流東逝，通爲注賓河；又東逕鄯善國北治伊循城，故樓蘭之地也。』按且末河即今車爾成河，車爾成河北